



Na temelju Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), a u skladu sa člankom 8. Statuta Federalnog zavoda za zapošljavanje i Programom sufinansiranja zajedničkih projekta s drugim pravnim subjektima 2024., Upravni odbor Federalnog zavoda za zapošljavanje je na sjednici održanoj 15.5.2024. godine donio

ODLUKU

**o odobravanju Projekta sufinansiranja zapošljavanja
i samozapošljavanja djece šehida/poginulih branitelja 2024**

I

Odobrava se Projekt sufinansiranja zapošljavanja i samozapošljavanja djece šehida/poginulih branitelja 2024 koji se realizira u suradnji sa nadležnim kantonalnim/županijskim ministarstvima i to: Ministarstvom za boračka pitanja Tuzlanskog kantona, Ministarstvo za pitanje boraca i ratnih vojnih invalida Unsko-sanskog kantona, Ministarstvo za pitanja branitelja – boraca Hercegovačko-neretvanske županije/kantona i Ministarstvom za boračka pitanja Zeničko-dobojskog kantona kao, te kantonalnim/županijskim službama za zapošljavanje.

II

Ukupna financijska vrijednost Projekta je 1.950.000 KM od čega: Ministarstvo za boračka pitanja Tuzlanskog kantona sudjeluje sa iznosom od 500.000 KM, Ministarstvo za pitanje boraca i ratnih vojnih invalida Unsko-sanskog kantona sudjeluje sa iznosom od 400.000 KM, Ministarstvo za pitanja branitelja – boraca Hercegovačko-neretvanske županije/kantona sudjeluje sa iznosom od 150.000 KM i Ministarstvo za boračka pitanja Zeničko-dobojskog kantona sudjeluje sa iznosom od 150.000 KM.

Za realizaciju Projekta Federalni zavod za zapošljavanje sudjeluje sa iznosom od 750.000 KM i to: za realiziranje Projekta sa Ministarstvom za boračka pitanja Tuzlanskog kantona sa iznosom od 250.000 KM, za realiziranje Projekta sa Ministarstvom za pitanje boraca i ratnih vojnih invalida Unsko-sanskog kantona sa iznosom od 200.000 KM, za realiziranje Projekta sa Ministarstvom za pitanja branitelja – boraca Hercegovačko-neretvanske županije/kantona sa iznosom od 150.000 KM i za realiziranje Projekta sa Ministarstvom za boračka pitanja Zeničko-dobojskog kantona sa iznosom od 150.000 KM.

III

Sredstva za realiziranje ove odluke osigurana su Financijskim planom Federalnog zavoda za zapošljavanje za 2024. godinu na poziciji „Učešće u zajedničkim projektima sa drugim pravnim subjektima 2024“.

Daje se suglasnost ravnateljici Federalnog zavoda za zapošljavanje da sa nadležnim ministarstvima i nadležnim kantonalnim/županijskim službama za zapošljavanje potpiše Sporazum o međusobnoj suradnji o realizaciji „Projekta sufinansiranja zapošljavanja i samozapošljavanja djece šehida/poginulih branitelja 2024.“

V

Za realizaciju ove odluke zadužuju se Jedinica za upravljanje projektima financiranim iz fondova EU i zajedničkih projekata sa drugim pravnim subjektima i Sektor za financije.

Cjelokupna dokumentacija se nalazi u Jedinici za upravljanje projektima financiranim iz fondova EU i zajedničkih projekata sa drugim pravnim subjektima.

VI

Odluka stupa na snagu danom donošenja.

Broj: 01/1-45 - 4152/24 S.D.

Datum: 15.5. 2024. godine



BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA ZAPOŠLJAVANJE
SARAJEVO



BOSNIA AND HERZEGOVINA
FEDERATION OF BOSNIA AND HERZEGOVINA
EMPLOYMENT BUREAU OF THE
FEDERATION OF BOSNIA AND
HERZEGOVINA
SARAJEVO

PROJEKT
SUFINANCIRANJA ZAPOŠLJAVANJA I SAMOZAPOŠLJAVANJA
DJECE ŠEHIDA/POGINULIH BRANITELJA 2024

Sarajevo, maj/svibanj 2024. godine

**PROJEKAT SUFINANCIRANJA ZAPOŠLJAVANJA I
SAMOZAPOŠLJAVANJA DJECE ŠEHIDA/POGINULIH BRANITELJA
2024.**

SADRŽAJ

1. Temelj za donošenje, izvor financiranja i nosioci realizacije Projekta	3
2. Cilj	3
3. Ciljna skupina	3
4. Korisnici	3
5. Poticajna mjera	4
6. Raspodjela predviđenih sredstava za realizaciju Projekta.....	4
7. Način realizacije Projekta	4
8. Dostavljanje i provjera dokumentacije	5
9. Pravljanje i isplata ugovorenih sredstava.....	5
10. Opće napomene.. ..	5
11. Kontrola i praćenje izvršenja ugovorenih obveza	6

1. Temelj za donošenje, izvor financiranja i nosioci realizacije Projekta

Sukladno Zakonu o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), članka 6 Statuta Federalnog zavoda za zapošljavanje („Službene novine Federacije BiH“, br. 27/06, 10/16), ciljevima iz Programa rada Federalnog zavoda za zapošljavanje za 2024. godinu i Programa sufinansiranja zajedničkih projekata sa drugim pravnim subjektima 2024., Upravni odbor Federalnog zavoda donosi

Projekt sufinansiranja zapošljavanja i samozapošljavanja djece šehida/poginulih branitelja 2024 (u daljnjem tekstu: Projekt).

Za realizaciju Projekta osigurana su sredstva u iznosu od 750.000 KM.

Federalni zavod za zapošljavanje (u daljnjem tekstu: Zavod) Projekt realizira u suradnji s kantonalnim/županijskim službama za zapošljavanje (u daljnjem tekstu: Služba/Službe) i nadležnim ministarstvima u Federaciji BiH.

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj

Projekt se realizira s ciljem zapošljavanja i samozapošljavanja djece šehida/poginulih branitelja koja se nalaze na evidenciji nezaposlenih u Federaciji BiH.

3. Ciljna skupina

Ciljna skupina su osobe iz kategorije djece šehida/poginulih branitelja bez obzira na stepen stručne spreme prijavljene na evidenciju nezaposlenih kantonalnih/županijskih službi u Federaciji BiH dan prije zaključivanja ugovora o radu s poslodavcem (zapošljavnje), u slučaju pokretanja vlastite djelatnosti, osobe koje se nalaze na evidenciji bez obzira na stepen obrazovanja i starosnu dob, kao i osobe koje su bile zaposlene po Programima iz prethodnih godina, ali ne duže od 35 mjeseci.

4. Korisnici

Korisnici Projekta su:

- poslodavci
- nezaposlene osobe iz kategorije bez obzira na spol, dob, radno iskustvo i stepen obrazovanja, prijavljene na evidenciju nezaposlenih kao i osobe koje žele pokrenuti vlastitu djelatnost a koje se nalaze na evidenciji.

Pravo sudjelovanja u Projektu imaju pravni subjekti koji imaju registriranu djelatnost na području Federacije BiH, a koji redovito izmiruju obveze po osnovu poreza i doprinosa, te poslodavci koji imaju sa Poreskom upravom Federacije BiH potpisan Sporazum o odgođenom plaćanju duga po osnovu javnih prihoda.

U Projektu ne mogu sudjelovati:

- poslodavci koji su koristili kreditna i/ili bespovratna sredstva iz poticajnih mjera Zavoda/Službe a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,

**PROJEKAT SUFINANCIRANJA ZAPOSŁJAVANJA I
SAMOZAPOSŁJAVANJA DJECE ŠEHIDA/POGINULIH BRANITELJA
2024.**

- poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno)
- u Projektu ne mogu sudjelovati osobe koje su odjavile djelatnost/društvo u periodu od šest (6) mjeseci prije apliciranja

5. Poticajna mjera

Projektom je određeno sufinansiranje zapošljavanja u iznosu od 900 KM mjesečno po osobi za VSS, te iznosu od 700 KM po osobi za ostale stepene stručne spreme u trajanju do dvanaest (12) mjeseci.

Nezaposlene osobe, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, ostvaruje pravo na poticajna sredstva u iznosu od 900 KM mjesečno na period do dvanaest (12) mjeseci.

Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih iz ciljane skupine, mjesečno će mu se isplaćivati/refundirati sredstva u iznosu od 900 KM mjesečno po osobi za VSS, te iznos od 700 KM po osobi za ostale stepene stručne spreme u trajanju do šest (6) mjeseci.

6. Raspodjela predviđenih sredstava za realizaciju Projekata

Za realizaciju Projekta, Federalni zavod može maksimalno sudjelovati do iznosa iskazanih interesa nadležnih kantonalnih/županijskih ministarstava.

Temeljem iskazanih interesa nadležnih kantonalnih/županijskih ministarstava, za realizaciju Projekta određena je sljedeća raspodjela sredstava po kantonima/županijama:

Tabela 1: Raspodjela sredstava po kantonima/županijama

KANTON/ŽUPANIJA	UDIO VLADE (KM)	UDIO FZZZ
Tuzlanski	500.000	250.000
Unsko-sanski	400.000	200.000
Zeničko-dobojski	150.000	150.000
Hercegovačko-neretvanski	150.000	150.000
UKUPNO	1.200.000	750.000

7. Način realizacije Projekata

Zavod će s kantonalnim/županijskim službama za zapošljavanje i nadležnim ministarstvima potpisati Sporazum o međusobnoj suradnji u realizaciji Projekta kojim će se odrediti međusobna prava i obveze.

8. Dostavljanje i provjera dokumentacije

Poslodavac će Službi dostavljati sljedeću dokumentaciju za Projektom određeni broj osoba:

- kopiju ugovora o radu za osobu koja se zapošljava,
- Uvjerenje Porezne uprave Federacije BiH o izmirenim porezima i doprinosima ne starije od mjesec dana od dana objave javnog poziva ili Sporazum s Poreznom upravom Federacije BiH o izmirenju duga po osnovu poreza i doprinosa.
- kopiju prijave na obvezna osiguranja u Poreznoj upravi Federacije BiH - obrazac JS 3100,
- uvjerenje o statusu člana porodice, tj. djetetu šehida/poginulog branitelja za osobu koju zapošljava,
- broj računa u poslovnoj banci na koji će se sredstva doznačiti.

Nezaposlene osobe koje osnivaju djelatnost dostavljaju sljedeću dokumentaciju:

- ovjerenu kopiju rješenja o registraciji djelatnosti/društva,
- kopiju Uvjerenja o poreznoj registraciji (ID broj),
- Ugovore o radu s nezaposlenim osobama koje zapošljava ili s kojima pokreće djelatnost.

Validnost dostavljene dokumentacije provjerava Služba i Zavodu prosljeđuje na dodatnu kontrolu.

9. Pravdanje i isplata ugovorenih sredstava

Temeljem dostavljenog izvješća za prethodni mjesec, Zavod, putem Službe poslodavcu refundira mjesečni iznos sredstava.

Najdalje do kraja mjeseca za prethodni mjesec, Služba Zavodu dostavlja izvješće (Obazac ZI), te dokumentaciju kojom dokazuje opravdanost zahtjeva za uplatu/refundaciju.

Dokumentacija treba da sadrži kopiju izvoda iz banke iz kojih je vidljiva isplata pojedinačne neto plaće za sufinanciranu osobu ili uplatnica ovjerena od banke o uplati neto plaće za sufinanciranu osobu ili u slučaju zbirne uplate plaća kopiju izvoda iz banke iz kojeg je vidljiv iznos zbirne uplate plaća uz spisak sufinanciranih osoba sa pregledom isplata pojedinačnih neto plaća ovjeren od poslodavca.

10. Opće napomene

Na mjeru iz ovog projekta u pogledu zaključivanja, trajanja i raskida ugovora o radu analogno se primjenjuju sljedeća pravila:

- U slučaju raskida ugovora o radu sa sufinanciranom osobom može se u roku od 15 dana, za preostali period ugovorne obveze, zaključiti ugovor o radu sa zamjenskom nezaposlenom osobom iz ciljne skupine koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. Poslodavac je prilikom narednog pravdanja, dužan dostaviti Službi dokaz (kopiju otkaza ugovora o radu za prvozaposlenu osobu, kopiju

ugovora o radu sa zamjenskom osobom, kopiju odjave za prvozaposlenu i prijave za zamjensku osobu na obvezna osiguranja u Poreznoj upravi Federacije BiH, odnosno obrazac JS 3100).

- U slučaju nezaključivanja ugovora o radu sa drugom (zamjenskom) nezaposlenom osobom obračunat i refundirat će se do tada opravdani iznos sredstava za osobu s kojom je raskinut ugovor o radu, a za eventualne ostale osobe čije se zapošljavanje sufinancira, nastavit će se postupanje u skladu sa zaključenim Sporazumom.
- U slučaju nastupanja okolnosti da je sufinancirana osoba privremeno spriječena za rad duže od 42 dana ili koristi porodijsko odsustvo, poslodavac za taj period isplaćuje iznos u visini razlike ugovorenog sufinanciranog iznosa, ako je za isti dostavio pravdanje, i iznosa koji se refundira od nadležnog organa, a radi izbjegavanja eventualne duple naplate sredstava.
- U slučaju mijenjanja financijske vrijednosti sporazuma, te statusnih promjena (naziv, djelatnost, JIB, organizacijski oblik) sačinit će se aneks Sporazuma, a na osnovu validne dokumentacije koju je Služba dužna dostaviti Zavodu.

11. Kontrola i praćenje izvršenja ugovorenih obaveza

Zavod će kontinuirano pratiti realizaciju Sporazumom određenih obaveza, i to:

- provjerom dokumentacije koju Služba dostavlja radi pravljanja odobrenih sredstava,
- provjerom podataka na portalu Porezne uprave Federacije BiH,
- prema potrebi i kontrolom provođenja ugovorenih obaveza neposredno kod poslodavca.

Ukoliko se praćenjem realizacije ugovorenih obaveza poslodavca utvrdi da ih poslodavac ne ispunjava, Zavod će pokrenuti postupak raskida ugovora.